



Neviim (prophètes) - Isaïe

Chapitre 34

- 34,1 קרבו גוים לשמע, ולאמים הקשיבו; תשמע הארץ ומלאה, תבל וכל-צאצאיה.
 34,2 כי קצף ליהוה על-כל-הגוים, וחמה על-כל-צבאם; החרים, בתגם לטבח.
 34,3 וחלליהם ישלכו, ופגריהם יעלה באשם; ונמסו הרים, מדמם.
 34,4 ונמקו כל-צבא השמים, ונגלו כספר השמים; וכל-צבאם יבול--כנבל עלה מגפן, וכנבלת מתאנה.
 34,5 כי-היתה בשמים, חרבי; הנה על-אדום תרד, ועל-עם חרמי למשפט.
 34,6 חרב ליהוה מלאה דם, הדשנה מחלב, מדם ברים ועוזדים, מחלב כליות אילים: כי זבח ליהוה בבצרה, וטבח גדול בארץ אדום.
 34,7 וירדו ראמים עמם, ופרים עם-אבירים; והיתה ארצם מדם, ועפרם מחלב ידשן.
 34,8 כי יום גקם, ליהוה--שנת שלומים, לריב ציון.
 34,9 ונהפכו גחליה לזפת, לעפרה לגפרית; והיתה ארצה, לזפת בערה.
 34,10 לילה ויומם לא תכבה, לעולם יעלה עשנה; מדור לדור, תחרב--לנצח נצחים, אין עבר בה.
 34,11 וירשוה קצת וקפוד, ויגשוף וערב ישכנו-בה; ונטה עליה קו-תהו, ואבני-בהו.
 34,12 חריה ואין-שם, מלוכה יקראו; וכל-שריה, יהיו אפס.
 34,13 ועלתה ארמנותיה סירים, קמושלחם במבצריה; והיתה נוה תנים, חציר לבנות יענה.
 34,14 ופגשו ציים את-איים, ושעיר על-רעהו יקרא; אך-שם הרגיעה לילית, ומצאה לה מנוח.
 34,15 שמה קגנה קפוז ותמלט, ובקעה ודגרה בצלה; אך-שם בקבצו דיות, אשה רעותה.
 34,16 דרשו מעל-ספר יהוה, וקראו--אחת מהנה לא געדרה, אשה רעותה לא פקדו: כי-פי הוא צוה, ורוחו הוא קבצן.
 34,17 והוא-הפיל להן גורל, וידו חלקתה להם בקו; עד-עולם, יירשוה--לדור ודור, ישכנו-בה. {ס}



1 Histoire pour Chabbath, Tome 1 (Binyamin Benhamou)

Les plus passionnantes histoires racontées par Binyamin Benhamou, enfin en livre !

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions